

ԼԵՈՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
Ո Ր Ո Շ ՈՒ Մ

«___» _____ 2017 թ.

N ____-Ն

ք.Ստեփանակերտ

ԼԵՈՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ
ՄՇԱԿԱԲՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ ԽԹԱՆՄԱՆ 2017 ԹՎԱԿԱՆԻ
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածը՝ Լեռնային Ղարաբաղի Հանրապետության կառավարությունը **ո ր ո շ ու մ է.**

1. Հաստատել Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը (այսուհետ՝ Ծրագիր)՝ համաձայն հավելվածի:

2. Սահմանել, որ՝

1) Ծրագրի կատարման հսկողությունը վերապահվում է Լեռնային Ղարաբաղի Հանրապետության գյուղատնտեսության նախարարությանը (այսուհետ՝ նախարարություն):

2) Ծրագրի շրջանակներում իրականացվող միջոցառումների պատասխանատու են հանդիսանում Լեռնային Ղարաբաղի Հանրապետության շրջանների վարչակազմերը:

3) նախարարությունը տնտեսական տարին ավարտելուց հետո՝ եռամսյա ժամկետում Լեռնային Ղարաբաղի Հանրապետության կառավարություն է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ԼԵՈՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

Հավելված
Լեռնային Ղարաբաղի
Հանրապետության կառավարության
2017 թվականի _____ -ի
N _____ -Ն որոշման

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

ԾՐԱԳԻՐ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ
ԳԱՐՆԱՆԱՑԱՆ ՄՇԱԿԱԲՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ
ԽԹԱՆՄԱՆ 2017 ԹՎԱԿԱՆԻ**

ԲՈՎԱՆԴԱԿՈՒԹՅՈՒՆ

I. ԾՐԱԳՐԻ ԿԱՐԵՎՈՐՈՒԹՅՈՒՆԸ

II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

III. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

I. ԾՐԱԳՐԻ ԿԱՐԵՎՈՐՈՒԹՅՈՒՆԸ

1. Գյուղատնտեսությունը երկրի պարենային ապահովության և անվտանգության ապահովման գլխավոր ոլորտն է, և ընդհանուր ռազմավարության մեջ այն ունի առանցքային դեր: Նպատակային քաղաքականության իրականացման ու առկա ներուժի լիարժեք օգտագործման շնորհիվ հնարավոր է որոշակիորեն լուծել բնագավառում ծագած մի շարք խնդիրներ:

2. Քաղաքականությունը պետք է նպատակաուղղվի գյուղատնտեսական ծագում ունեցող արտադրանքի արտադրության ծավալի աճին, ներմուծվող արտադրանքը տեղական արտադրանքով փոխարինելուն, նոր տեխնոլոգիաների ներդրմանը, ինչը պահանջում է պետական աջակցության տարբեր մեխանիզմների կիրառում:

3. Գյուղատնտեսական որոշ մշակաբույսերի տեղական արտադրության ծավալներն ապահովում են ինքնաբավության ցածր մակարդակ, և առաջնահերթ խնդիրը դրանց ցանքատարածությունների, արտադրության ծավալների ավելացումն ու ինքնաբավության մակարդակի հետագա բարձրացումն է, մասնավորապես, դա վերաբերում է յուղատու մշակաբույսերին՝ արևածաղիկ, հլածուկ, սոյա, կտավատ (այսուհետ՝ յուղատու մշակաբույսեր), ընդեղեն մշակաբույսերին՝ ոլոռ, սիսեռ, լոբի (այսուհետ՝ ընդեղեն մշակաբույսեր), բանջարեղենին՝ պոմիդոր, պղպեղ, բադրիջան, սոխ, սխտոր (այսուհետ՝ բանջարեղեն), եգիպտացորենին, հնդկացորենին, առվույտին և ծխախոտին: Նշված մշակաբույսերի եկամտաբերությունը տարեցտարի նվազում է՝ կատարվող ծախսերի ավելացման և բերքատվության անկման պատճառով: Լեռնային Ղարաբաղի Հանրապետության կառավարության կողմից հողօգտագործողներին տրամադրվող պետական աջակցության շարունակական ծրագրերը նպաստում են տևականորեն չմշակված վարելահողերի շրջանառության մեջ ներգրավմանը, գյուղատնտեսական մշակաբույսերի ագրոտեխնիկական միջոցառումների բարելավմանը, ցանքատարածությունների, համախառն բերքի, գյուղացիական տնտեսությունների եկամուտների ավելացմանը և տնտեսական աճի ապահովմանը:

4. Առաջնահերթ խնդիր է սեփական արտադրության հաշվին տեղական վերամշակող ընկերությունների կողմից մթերման ծավալների ու արտադրվող արտադրանքի ավելացումը, նոր աշխատատեղերի ստեղծումը, ինչպես նաև անասնակերով ապահովվածության մակարդակի բարձրացումը, որը բխում է նաև հանրապետության գյուղատնտեսության ռեսուրսային ներուժի լիարժեք օգտագործման անհրաժեշտությունից:

5. Բուսաբուծության բնագավառի ուսումնասիրությունները և վերլուծությունները ցույց են տալիս, որ յուղատու և ընդեղեն մշակաբույսերի, բանջարեղենի, եգիպտացորենի, հնդկացորենի, առվույտի և ծխախոտի ցանքատարածությունների ավելացման ու ագրոտեխնիկական միջոցառումների արդյունավետ կազմակերպման համար անհրաժեշտ է հողօգտագործողներին առաջնահերթ ապահովել բարձր վերարտադրություն և բերքատվություն ապահովող սերմերով, հանքային պարարտանյութերով, ինոկուլյանտով (ախտահանիչով), ինչպես նաև այդ մշակաբույսերից ստացված բերքի մթերման դիմաց լրավճարների տրամադրման միջոցով ապահովել բերքի իրացման կայուն շուկաներ:

6. Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագրով (այսուհետ՝ Ծրագիր) ներկայացվում են Լեռնային Ղարաբաղի Հանրապետությունում 2017 թվականին գարնանացան որոշ մշակաբույսերի արտադրության խթանմանն ուղղված իրականացվելիք միջոցառումները և ակնկալվող արդյունքները:

II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

7. Գյուղատնտեսության բնագավառում չափազանց կարևոր է ցանքաշրջանառության կիրառումը, ցանքատարածքների կառուցվածքի բարելավումը և անասնապահության զարգացումը: Ցանքաշրջանառության մեջ ճիշտ ընտրված մշակաբույսերի մշակությունը բարելավվում է հողի՝ ֆիտոսանիտարական վիճակը, պահպանում էռոզիայից, ավելացնում օրգանական նյութերի քանակը և բարելավվում ֆիզիկական հատկությունները: Այդ առումով յուղատու և ընդեղեն մշակաբույսերի, բանջարեղենի, եգիպտացորենի, հնդկացորենի, առվույտի և ծխախոտի մշակությունը կարևորվում է ցանքաշրջանառության լավագույն բաղադրիչ լինելու, պարենային որոշ մթերքների ինքնաբավության մակարդակի բարձրացման, ինչպես նաև անասնակերերի կայուն բազայի ստեղծման տեսանկյունից:

8. Ծրագրի նպատակն է Լեռնային Ղարաբաղի Հանրապետության շրջաններում այդ մշակաբույսերի ցանքատարածությունների ու համախառն բերքի ծավալների ավելացումը և գյուղատնտեսությամբ զբաղվող տնտեսավարող սուբյեկտների եկամտաբերության մակարդակի բարձրացմանը նպաստելը:

9. Ծրագրի խնդիրներն են՝

1) գյուղատնտեսական նշանակության տարածքների արդյունավետ օգտագործման համար հնարավորությունների ստեղծում.

2) գյուղատնտեսության զարգացման համար անհրաժեշտ պայմանների ստեղծում և բնակչության աշխատունակ հատվածի համար լիարժեք զբաղվածության ապահովում.

3) վերամշակող ընկերությունների համար անհրաժեշտ քանակությամբ հումքի ապահովում:

III. ԾՐԱԳՐԻ ԻՐԱԿԱՆԱՑՄԱՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

10. Ծրագրով նախատեսվում է իրականացնել հետևյալ միջոցառումները՝

1) յուղատու և ընդեղեն մշակաբույսերի, եգիպտացորենի, հնդկացորենի և առվույտի սերմերի, հանքային պարարտանյութերի և ինոկուլյանտի (ախտահանիչի) ձեռքբերում ու անհատույց (բացառությամբ սիսեռի և լոբու սերմերի) տրամադրում.

2) բանջարեղենի մշակությամբ զբաղվող անձանց անհատույց ֆինանսական միջոցների կամ դրանց համարժեք ապրանքանյութերի տրամադրում.

3) ծխախոտի մշակությունից ստացված բերքի իրացման (մթերման) դիմաց լրավճարի տրամադրում:

11. Ծրագրի իրականացման գործընթացում ներգրավված պետական, տարածքային կառավարման ու տեղական ինքնակառավարման մարմիններն իրականացնում են հետևյալ միջոցառումները՝

1) Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկում է Ծրագրի իրականացման գործընթացը.

2) տեղական ինքնակառավարման մարմինները, հիմք ընդունելով յուրատու և ընդեղեն մշակաբույսերի, բանջարեղենի, եգիպտացորենի, հնդկացորենի և առվույտի մշակությամբ զբաղվելու ցանկություն ունեցող հողօգտագործողների դիմումները, վարելահողերի նկատմամբ սեփականության, վարձակալության կամ անհատույց օգտագործման իրավունքի պետական գրանցման վկայականների (այսուհետ՝ վկայական), իսկ վերաբնակեցման տարածքներում վկայականի բացակայության դեպքում համայնքի ղեկավարի կողմից տրված համապատասխան տեղեկանքի և անձնագրերի պատճենները, շրջանների վարչակազմերի սահմանած ժամկետում շրջանների վարչակազմեր են ներկայացնում իրենց կողմից հաստատված տեղեկանք՝ նշելով հողօգտագործողի անունը, ազգանունը, հայրանունը, անձնագրի և վկայականի համարը, մշակաբույսերը և դրանց մշակության համար նախատեսված տարածքների մակերեսները: Համայնքների վարչական սահմաններից դուրս գտնվող պետական սեփականություն համարվող վարելահողերի վարձակալները փաստաթղթերը ներկայացնում են համապատասխան շրջանի վարչակազմի աշխատակազմի գյուղատնտեսության բաժին.

3) Լեռնային Ղարաբաղի Հանրապետության շրջանների վարչակազմերը մինչև 2017 թվականի մայիսի 15-ը (բանջարեղեն մշակողների համար՝ մինչև օգոստոսի 1-ը) ընդհանրացնում և նախարարություն են ներկայացնում Ծրագրի 11-րդ կետի 2-րդ ենթակետում նշված տեղեկությունները:

12. Պետական աջակցության տրամադրման հիմք են հանդիսանում Ծրագրի 11-րդ կետի 3-րդ ենթակետում և 13-րդ կետի 3-րդ ենթակետի «բ» պարբերությունում նշված տեղեկությունները:

13. Պետական աջակցությունը տրամադրվում է՝

1) Լեռնային Ղարաբաղի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում յուրատու և ընդեղեն մշակաբույսեր, եգիպտացորեն, հնդկացորեն և առվույտ մշակելու համար՝ 1 հեկտարի համար սահմանված համապատասխան քանակությամբ սերմի, հանքային պարարտանյութերի և ինոկուլյանտի (ախտահանիչի) տեսքով, անհատույց, բացառությամբ սիսեռի և լրբու սերմերի (տրամադրվող սերմի, հանքային պարարտանյութերի և ինոկուլյանտի (ախտահանիչի) սահմանված քանակները ներկայացված են N 1 աղյուսակում):

Ծրագրում ընդգրկված մշակաբույսերի մշակության համար անհրաժեշտ յուրատու մշակաբույսերի, ոլոռի, եգիպտացորենի (Պիոներ) սերմերը (հանրապետության տարածքում նախապես փորձարկված) և ինոկուլյանտը (ախտահանիչը) ձեռք կբերվեն նախարարության կողմից և Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի (այսուհետ՝ հիմնադրամ) միջոցով անհատույց կտրամադրվեն հողօգտագործողներին՝ նախարարության կողմից ներկայացված համապատասխան տեղեկությունների հիման վրա:

Հնդկացորենի, առվույտի, սիսեռի, լրբու և եգիպտացորենի (Կրասնոդարսկայա 385) սերմերն ու հանքային պարարտանյութերը ձեռք կբերվեն հիմնադրամի միջոցով և անհատույց (բացառությամբ սիսեռի և լրբու) կտրամադրվեն հողօգտագործողներին՝ նախարարության կողմից ներկայացված համապատասխան տեղեկությունների հիման վրա:

Պետական աջակցություն տրամադրելիս առաջնահերթությունը կտրվի այն հողօգտագործողներին, որոնք մասնակցել են երկրագործության դասընթացներին ու ստացել առաջին կարգի որակավորման հավաստագրեր, չունեն նախկինում մատակարարված ոռոգման ջրի դիմաց չմարված պարտավորություններ և ունեն 2017 թվականին ոռոգման ջրի մատակարարման համար կնքված պայմանագիր: Հնդկացորեն մշակողներին աջակցություն կտրամադրվի մինչև 5 հեկտար ներառյալ մշակության դեպքում՝ առանց սահմանափակումների, 5 հեկտարից ավել մշակելու դեպքում՝ սերմը հողօգտագործողին կտրամադրվի սեփականության, վարձակալության կամ անհատույց օգտագործման իրավունքով պատկանող վարելահողերի 25 տոկոսի չափով (բացառությամբ Լեոնային Ղարաբաղի Հանրապետության Մարտակերտի շրջանի Թալիշ և Մատաղիս համայնքների հողօգտագործողների), սակայն ոչ ավել, քան 100 հեկտար: 10 հեկտար և ավելի եգիպտացորեն մշակողներին, ներկայացված հայտի 20 տոկոսի չափով կտրամադրվի Կրասնոդարսկայա 385 սորտի սերմը (սիլոսի համար), մնացածը կտրամադրվի Պիոներ տեսակի սերմից: Սիսեռի և լրբու սերմերը հողօգտագործողներին կտրամադրվի արժեքի 50 տոկոսի սուբսիդավորմամբ՝ առանց սահմանափակումների:

Պետական աջակցության տրամադրման (սերմ, պարարտանյութ և ինոկուլյանտ (ախտահանիչ)) պարտադիր պայման է շրջանի վարչակազմի կամ համայնքի ղեկավարի կողմից տրված տեղեկանքը՝ հողատարածքը ցանքսին պատրաստ լինելու մասին:

Ագրոտեխնիկական ժամկետներում տրամադրված սերմերի, հանքային պարարտանյութերի և ինոկուլյանտի (ախտահանիչի) ոչ նպատակային օգտագործման դեպքում տրամադրված սերմերի, հանքային պարարտանյութերի և ինոկուլյանտի (ախտահանիչի) արժեքը հողօգտագործողների կողմից ենթակա է վերադարձման պետական բյուջե:

2) Լեոնային Ղարաբաղի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում բանջարեղեն մշակելու համար՝ 1 հեկտարի դիմաց 200 000 ՀՀ դրամ՝ միանվագ գումարի կամ այդ գումարին համարժեք քանակությամբ ապրանքանյութերի տեսքով (մեկ հողակտորի մակերեսը ոչ պակաս, քան 0,5 հեկտար):

Լեոնային Ղարաբաղի Հանրապետության գյուղանտեսության նախարարի հրամանով սույն կարգի 11-րդ կետի 3-րդ ենթակետում նշված տեղեկությունների ուսումնասիրման, բանջարեղենի մշակության համար տրամադրված ֆինանսական միջոցների կամ ապրանքանյութերի նպատակային օգտագործման և իրականացված աշխատանքների հետագա վերահսկման նպատակով ստեղծվում է հանձնաժողով (այսուհետ՝ հանձնաժողով):

Հանձնաժողովը Լեոնային Ղարաբաղի Հանրապետության շրջանների վարչակազմերի կողմից տեղեկությունների ներկայացման վերջնաժամկետից հետո տասնօրյա ժամկետում ստուգում է ներկայացված փաստաթղթերը, ընդհանրացնում և հիմնադրամ է ներկայացնում դրական եզրակացություն ստացած՝ բանջարեղեն մշակելու

համար դիմած հողօգտագործողների ցանկը, նշելով հողօգտագործողի տվյալները և տրամադրվող ֆինանսական միջոցների կամ դրանց համարժեք ապրանքանյութերի չափը, պետական աջակցության տրամադրման գործընթացն ապահովելու նպատակով:

Աջակցությունն անհատույց կտրամադրվի հիմնադրամի միջոցով՝ հանձնաժողովի կողմից ներկայացված համապատասխան տեղեկությունների հիման վրա:

3) Լեռնային Ղարաբաղի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում մշակած ծխախոտից ստացված բերքի իրացման (մթերման) դիմաց տրամադրվում է լրավճար՝ 1 կիլոգրամի դիմաց 10 ՀՀ դրամ գումարի չափով՝ հետևյալ ձևով՝

ա. լրավճարը տրամադրվում է Լեռնային Ղարաբաղի Հանրապետության տարածքում գործող ընկերություններին մթերված բերքի դիմաց,

բ. մթերող ըկերությունները 2017 թվականի ծխախոտի բերքի (հումքի) մթերման գործնթացն ավարտելուց հետո տեղեկություններ են ներկայացնում նախարարություն՝ նշելով բերք հանձնած հողօգտագործողի անունը, ազգանունը, հայրանունը, անձը հաստատող փաստաթղթի համարը, մթերված բերքի քանակը,

գ. նախարարությունը սույն կետի 3-րդ ենթակետի «բ» պարբերությունում նշված տեղեկությունները ստանալուց հետո, տասնօրյա ժամկետում ընդհանրացնում և դրանց հիման վրա Լեռնային Ղարաբաղի Հանրապետության ֆինանսների նախարարություն է ներկայացնում հայտ՝ նշելով մթերող ընկերությունների անվանումները և վճարման ենթակա գումարները,

դ. Լեռնային Ղարաբաղի Հանրապետության ֆինանսների նախարարությունը վերը նշված հայտը ստանալուց հետո գարնանացան մշակաբույսերի ցանքաշրջանառության ծրագրերի խթանման համար Լեռնային Ղարաբաղի Հանրապետության 2017 թվականի պետական բյուջեով նախատեսված միջոցներից սահմանված կարգով հատկացնում է համապատասխան ֆինանսական միջոցները,

ե. մթերող ըկերությունները համապատասխան ֆինանսական միջոցները ստանալուց հետո հինգ աշխատանքային օրվա ընթացքում հողօգտագործողներին են վճարում ծխախոտի բերքի իրացման (մթերման) դիմաց սահմանված լրավճարը:

Սույն Ծրագրի ֆինանսավորումն իրականացվում է Լեռնային Ղարաբաղի Հանրապետության 2017 թվականի պետական բյուջեով «Գարնանացան մշակաբույսերի ցանքաշրջանառության ծրագրերի խթանում» միջոցառմամբ նախատեսված միջոցներով:

IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

14. Ծրագրի իրականացումից նախատեսվում է յուղատու մշակաբույսերի ցանքատարածքները հասցնել 4698 հեկտարի, այդ թվում արևածաղիկ՝ 3184 (ներառյալ պահեստում առկա սերմը) հեկտար, հլածուկ՝ 500 հեկտար, սոյա՝ 436 հեկտար, կտավաղը՝ 578, ընդեղեն մշակաբույսերինը՝ 237 հեկտարի, այդ թվում ոլոռ՝ 70 հեկտար, սիսեռ՝ 167 հեկտար, լոբի՝ 20 հեկտար, առվույտը՝ 149 հեկտարի, հնդկացորենինը՝ 2308 հեկտարի, եգիպտացորենինը՝ 3075 (ներառյալ պահեստում առկա սերմը) հեկտարի, իսկ վերամշակող ընկերություններում հողօգտագործողներից մթերել շուրջ 3500 տոննա

ծխախոտի հումք: Ֆինանսական միջոցները կամ դրանց համարժեք ապրանքանյութերը կտրամադրվեն 400 հեկտար բանջարեղենի մշակության համար, այդ թվում՝ 200 հեկտար սոխ:

15. Յուղատու և ընդեղեն մշակաբույսերը, հնդկացորենը և բանջարեղենը հումք են հանդիսանում վերամշակող ընկերությունների համար: Յուղատու մշակաբույսերի վերամշակումից ստացված ձեթը, ընդեղեն մշակաբույսերը՝ հատիկը, հնդկացորենից՝ հնդկաձավարը և բանջարեղենից՝ պահածոները հանդիսանում են առաջին անհրաժեշտության պարենամթերք և ունեն մեծ դեր ու նշանակություն մարդու օրգանիզմի նորմալ գործունեության համար: Առվույտից և եգիպտացորենից ստացվում է անասնակեր, որը կնպաստի անասնաբուծության զարգացմանը:

Սույն Ծրագրի շրջանակներում տրամադրված պետական աջակցության միջոցով ստացված բերքի մթերումը (իրացումը) պետական աջակցության ծրագրի մաս չի կազմում:

Աղյուսակ N 1

Տրամադրվող սերմի, հանքային պարարտանյութերի և ինոկուլյանտի (ախտահանիչի) սահմանված քանակները

Հ/հ	Մշակաբույսը	Տրամադրվող սերմի քանակը (կգ)	Տրամադրվող ինոկուլյանտի (ախտահանիչի) քանակը (մլ)	Տրամադրվող պարարտանյութի քանակը (կգ)	
				Ֆոսֆոր	կալիում
1	Արևածաղիկ	5		70	120
2	Հլածուկ	6		70	60
3	Սոյա	55	115	70	60
4	Կտավատ	45		70	60
5	Հնդկացորեն	65			
6	Առվույտ	22			
7	Ոլոռ	200			
8	Սիսեռ	90			
9	Եգիպտացորեն (Պիոներ)	16			
10	Եգիպտացորեն (Կրասնոդարսկայա 385)	23			

ՀԻՄՆԱՎՈՐՈՒՄ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՅԱՆ ՄՇԱԿԱՐՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ ԽԹԱՆՄԱՆ 2017 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ

Անհրաժեշտությունը

Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագրով ներկայացվում են Լեռնային Ղարաբաղի Հանրապետությունում 2017 թվականին գարնանացան որոշ մշակաբույսերի արտադրության խթանմանն ուղված իրականացվելիք միջոցառումները և ակնկալվող արդյունքները:

Ծրագիրը նպատակաուղղված է Լեռնային Ղարաբաղի Հանրապետության շրջաններում գարնանացան որոշ մշակաբույսերի ցանքատարածությունների և համախառն բերքի ծավալների ավելացմանը և գյուղատնտեսությամբ զբաղվող տնտեսավարող սուբյեկտների եկամտաբերության մակարդակի բարձրացմանը:

Ընթացիկ իրավիճակը և խնդիրները

Գյուղատնտեսությունը երկրի պարենային ապահովության և անվտանգության ապահովման գլխավոր ոլորտն է: Ընդհանուր ռազմավարության մեջ այն ունի առանցքային դեր և նպատակային քաղաքականության իրականացման ու առկա ներուժի լիարժեք օգտագործման շնորհիվ հնարավոր է որոշակիորեն լուծել բնագավառում ծագած մի շարք խնդիրներ: Գարնանացան որոշ մշակաբույսերի արտադրության ծավալներն ապահովում են ինքնաբավության ցածր մակարդակ և առաջնահերթ խնդիրը դրանց ցանքատարածությունների, արտադրության ծավալների ավելացումն ու ինքնաբավության մակարդակի հետագա բարձրացումն է:

Նպատակը և բնույթը

Ծրագրի նպատակն է Լեռնային Ղարաբաղի Հանրապետության շրջաններում գարնանացան որոշ մշակաբույսերի ցանքատարածությունների ու համախառն բերքի ծավալների ավելացումը և գյուղատնտեսությամբ զբաղվող տնտեսավարող սուբյեկտների եկամտաբերության մակարդակի բարձրացմանը նպաստելը, արժանավայել ու անվտանգ ապրելու և բարիքներ ստեղծելու համար նախադրյալների ստեղծումը:

Ակնկալվող արդյունքը

Ծրագրի իրականացումից ակնկալվում է յուղատու և ընդեղեն մշակաբույսերի, բանջարեղենի, եգիպտացորենի, հնդկացորենի, առվույտի և ծխախոտի ցանքատարածությունների, արտադրության ծավալների ավելացումն ու ինքնաբավության մակարդակի հետագա բարձրացումն է, ինչպես նաև տևականորեն չմշակված վարելահողերը շրջանառության մեջ ներգրավումը, գյուղացիական տնտեսությունների եկամուտների ավելացումը և տնտեսական աճի ապահովում:

Նախագծի մշակման գործընթացում ներգրավված անձինք

Նախագիծը մշակվել է Լեռնային Ղարաբաղի Հանրապետության գյուղատնտեսության նախարարության աշխատակազմի բուսաբուծության և բույսերի պաշտպանության, և իրավաբանական բաժինների կողմից:

Այլ տեղեկություններ

«Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը հաստատելու մասին» Լեռնային Ղարաբաղի Հանրապետության կառավարության որոշման նախագիծը սահմանված կարգով դրվել է հանրային քննարկման Լեռնային Ղարաբաղի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

**ԼՂՀ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐ**

Ա. ՄԻՈՅԱՆ

ՏԵՂԵԿԱՆՔ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ ՄՇԱԿԱԲՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ ԽԹԱՆՄԱՆ 2017 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ ՆՎԱՋԵՑՈՒՄՆԵՐԻ ՄԱՍԻՆ

«Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը հաստատելու մասին» Լեռնային Ղարաբաղի Հանրապետության կառավարության որոշման նախագծի ընդունման կապակցությամբ Լեռնային Ղարաբաղի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում:

ՏԵՂԵԿԱՆՔ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ ՄՇԱԿԱԲՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ ԽԹԱՆՄԱՆ 2017 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ

«Լեռնային Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը հաստատելու մասին» Լեռնային Ղարաբաղի Հանրապետության կառավարության որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջացնում:

**ԼՂՀ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐ**

Ա. ՄԻՈՅԱՆ

ԻՐԱՎԱԿԱՆ-ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ
«ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ
ՄՇԱԿԱՐՈՒՅՍԵՐԻ ՑԱՆՔԱՇՐՋԱՆԱՌՈՒԹՅԱՆ ԽԹԱՆՄԱՆ 2017 ԹՎԱԿԱՆԻ
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱՔԱՂԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ

«Լեռնային Ղարաքաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը հաստատելու մասին»
Լեռնային Ղարաքաղի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

ԼՂՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏ

Հ. ՀԱԿՈԲՅԱՆ

**ԼՂՀ ԿԱՌԱՎԱՐՈՒԹՅԱՆ ԵՎ ԼՂՀ ՎԱՐՉԱՊԵՏԻ
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

Որոշման նախագծի անվանումը՝

«Լեռնային Ղարաբաղի Հանրապետությունում գարնանացան մշակաբույսերի ցանքաշրջանառության խթանման 2017 թվականի ծրագիրը հաստատելու մասին»

Նախագիծը ներկայացնողը՝

ԼՂՀ գյուղատնտեսության նախարարություն

ԼՂՀ կառավարության և ԼՂՀ վարչապետի որոշումներն ուղարկել՝

1. ԼՂՀ գյուղատնտեսության նախարարություն
2. ԼՂՀ արդարադատության նախարարություն
3. ԼՂՀ ֆինանսների նախարարություն
4. ԼՂՀ գյուղի և գյուղատնտեսության աջակցության հիմնադրամ
5. ԼՂՀ շրջաններ

Նախագիծը պատրաստողը՝

ԼՂՀ գյուղատնտեսության նախարարության աշխատակազմի բուսաբուծության և բույսերի պաշտպանության բաժին

_____ **Վ. Ավետիսյան**
(ստորագրությունը)

« _____ » _____ 2017 թ.